

打棒傷害。侵奪衣鉢。侵奪資生。絕其飲食。
退令還俗。脫其袈裟。枷索繫縛。禁閉牢獄。
輕慢觸惱。令不安樂。奪奪堵波。及僧祇物。
十惡五逆。至一闡提。乘此業緣。於無量劫。
墮諸惡趣。備歷三塗。受種種苦。痛楚難言。
設得值遇。無量諸佛。及大菩薩。親承供養。
發露懺除。復更護持。無量道法。修學無量。
難行苦行。由彼業障。有餘未盡。令我等輩。
未能證得。安樂涅槃。未能證得。三摩地門。
殊勝功德。今向

地藏菩薩摩訶薩。及諸佛世尊。

發大乘心。弘如來教。為令此土。三寶種性。
威德熾盛。久住世故。為欲摧滅。一切眾生。
堅固煩惱。令無餘故。與諸眾生。復深慚愧。
發露懺悔。求悉消滅。惟願十方諸大慈尊。
及地藏大士。

哀愍覆護。濟拔我等。令此罪障。皆得除滅。
永不復受。惡趣苦果。我等今者。對世尊前。
及與大士。以至誠心。發真誓願。從今以去。